

四庫全書存目叢書編纂委員會編

齊魯書社

四庫全書存目叢書

史部
第二六二冊

責任編輯：孫言誠 賀 偉

ISBN 7-5333-0535-3



2005/13

四庫全書存目叢書·史部二六二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 47.75 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第二六二冊目次

史部·職官類

明職一卷

〔明〕呂坤撰
中國人民大學圖書館藏清乾隆四年健餘堂刻本

..... 一

仕學全書三十五卷

〔明〕魯論撰
復旦大學圖書館藏清康熙木活字本

..... 二一

政學錄五卷

〔清〕鄭端撰
清華大學圖書館藏清光緒五年定州王氏謙德堂刻畿輔叢書本

..... 二四一

爲政第一篇八卷

〔清〕孫鉉撰
北京大學圖書館藏清康熙刻本

..... 三八二

百僚金鑑十二卷

〔清〕牛天宿撰
中央民族大學圖書館藏清康熙八年忠愛堂刻本

..... 六二四

明職一卷

〔明〕呂坤撰

中國人民大學圖書館藏清乾隆四年健餘堂刻本

附《四庫全書總目·明職一卷》

提要

明職者何呂新吾先生撫山右時申飭大小職官而作也夫官各有職職盡而民安太平可坐致矣余撫中州白勗以勗同官者要在存心虛心以認理也實心以立事也心之不存職於何盡雖然常存此心以求盡其職與夫先明其職以求盡此心其義一也余嘗與司道諸君商訂職事列爲條款俾各官觸目警心勉稱厥職苦於挂漏未能成書今觀先生明職諸條自督撫以至佐雜並及弟子員無不羅列備悉誥誠殷諄蓋其望之也切故其言之也詳雖今昔官制微有異同而其大指總期百司

明職

序

一

庶府顧名思義求無忝於夙夜在公耳有味哉先生之言曰大小職官終日思其所行經歲驗其成效自慊自愧必有獨得者於戲凡我同官及爾多士其各有職乎其孰無心乎願共勉之

乾隆四年夏四月巡撫河南使者博陵尹

會一書

明職引

朝廷設官分職衙門各命以名百司庶府各顧名而思職緣職而盡分人人皆滿其分量而天下無事矣今天下無一事不設衙門無一衙門不設官而政事日廢民生日困則吾輩溺於其職之故也嗚呼何可道哉乃發明職掌申飭大小職官終日思其所行經歲驗其成效稱職乎不稱職乎子夜點檢自慊自愧必有獨得者矣俟喋喋乎余言萬歷壬辰秋都察院右僉都御史寧陵呂坤吉

明職目錄

明弟子員之職一

明弟子員之職二

明教官之職

明巡檢之職

明驛遞之職

明稅課司之職

明司獄官之職

明庫官之職

明州縣佐貳之職

明知州知縣之職

明同知通判推官之職

明知府之職

太原諭屬

明守巡道之職

明提學道之職

明按察司之職

明布政司之職

明督撫之職

明弟子員之職一

朝廷教人讀書正欲我就經史中明那一種道理何者自古及今凡身心性命之精言天下國家之治道天地鬼神之造化草木鳥獸之情狀及倉卒難應之務艱危難濟之變輻輳難剖之事隱微難見之理幽遠難測之數經史中有一不載乎古今是這箇天地人物古今是這等參贊輔相以古經史之道治今之天下言言符契事事合經書之有資於身心猶衣食之有資於口體世上少他便不成世界人生少他便不成好人朝廷特設學校董以師儒令其口誦心惟身體力行指望諸士遵聖賢之言成聖賢之身以立聖賢事功使斯世成唐虞三代宇宙生民見唐虞三代太平故待士之體貌獨優舉士之禮節獨重用士之榮寵獨隆所以期望之者誠厚也諸生終日誦讀字字都向心頭想一想句句都往身上貼一貼試看古人所言與我身心合不合其合者便要體驗擴充其不合者便要沉潛思索便知聖賢千言萬語說的是我心頭佳話立的是我身上妙方不必另竭心思舉而措之無往不效而今士子把一部經史當作聖賢

遺留下求富貴的本子。把一處學校當作朝廷修蓋下求利達的教場。乾乾終日。只爲身家。猶如僧道替人念誦經懺。一般念的絕不與我相干。只是賺些經錢來養活此身。把聖賢垂世立教之意。辜負盡了。有道之士。仔細思量。豈不笑死。媿死。人生七尺之軀。皆有安天下萬物的性分。皆有使天下萬物各得其所的責任。皆有能使天下萬物各得其所的學術。日日做天下萬物各得其所的事業。自有天下萬物各得其所的功効。只是少了這使天下

印戰

弟子員一

萬物各得其所的心腸。所志既非古人之志。所學亦非古人之學。只知記作時文。誦讀策論。從不在本領上體貼。他日忘了這口頭學問。渾是一箇空軀殼。餓肚腸。至於經世之務。更不留心。只問以本州縣編審差役如何均平。地糧如何清楚。盜賊如何消弭。風俗如何轉移。倉廩如何充實。荒歉如何救濟。且未留心。而況世道之汗隆。國家之理亂。更不見有這般經濟學術治平手段。一旦付爾舉行。責爾效驗。到手事兒。皆平生夢寐不及着肩担子。皆自小心思不到。要做詳審精密之事。成光明偉

俊之功。豈不難哉。所望諸生以天下國家爲念。以憂勤惕勵爲心。爲學便是實學。休爲言語文字之工。作人須作端人。無矜聰明才辨之質。他日策名仕途。另有一番手段。俾社稷賴以奠安。蒼生賴以得所。朝廷收養士之效。科目有得士之光。流芳於竹帛。增重於冠裳。士大夫皆爲之吐氣揚眉。曰吾輩讀書人。經綸手段。固如此哉。諸生勉之。

月茂

弟子員一

明弟子員之職二

朝廷養士。本爲安民。所以待士何等隆重。望士何等殷切。吾少時鄉居。見閭閻父老。闔閭小民。同席聚飲。恣其笑談。見一秀才至。則斂容息口。惟秀才之容止是觀。惟秀才之言語是聽。秀才行於市。人無不注目視之。曰。此某齋長也。人情之重士如此。豈畏其威力哉。以爲彼讀書知禮之人。我輩村粗鄙俗。爲其所笑耳。若閭閻其行。闔閭其心。言不根道。義身不守禮法。三五相聚。則恢諧嘲訕。關口舌之工。一二浪遊。則淫邪狎昵。作苟且之事。少年恃其

明職

弟子員二

四

才學。藐視師長。霸者逞其刁悍。挾制有司。或小不忍。而動大怒。輕遞呈詞。或一人事而約衆人同行。囑托說正話者。則笑爲道學。而吹求其短。不詭隨者。則惡爲古板。而厭棄其人。孟子曰。其子弟從之。則孝弟忠信。董子曰。禮義廉恥。是謂四維。此八行也。關係名檢不細。士日以八行自點檢。不枉父母。生長此身。不枉天地。涵育此身。不枉詩書教誨。此身。不枉朝廷作養。此身。他日屬續之時。將平生打點一回。也不含羞於地下。本院平生立志。不專向道。不篤循省過端。千瘡百孔。自治不暇。何能訓迪

諸士。第謬持風紀。於諸士有師帥之責。不得不以正言相教誡。今日士風三事。尤當首戒。特拈出與諸士談之。余作小秀才時。見同學長者。竦然恭敬。不敢高言大笑。不敢亂序先行。分付則唯唯聽從。使令則踉蹌奔走。比見近日。緒紳談天下士。率以新進少年。侮慢長者。爲憂。夫禮非以尊人。盡吾道耳。不循禮。非以慢人。自棄其道耳。尊長尙存謙虛。卑幼豈宜倨傲。况尊長之年。輪到我身。卑幼如斯。果能堪否。故夫子責原壤以幼而不遜。弟爲首過。孟子謂堯舜之道。只在後長。徐行諸生。未必皆然。

明職

弟子員二

五

有則改之。其次公論出於學校。古人稱學校云。有髮頭陀寺。無官御史臺。言清苦正直也。近日學校。豈無公論之人。但有一種浮薄之習。以愛憎爲毀譽。以口舌代戈矛。或無水而起風波。或因小而張重大。此等士風。最壞心術。不知諸士有此習否。有則改之。至於結黨一節。尤干法紀。夫朋友之義。過失相規。未聞同惡相濟。士平日自愛重。人未有先侮士者。卽偶爲人侮。一士之口之力。亦足以告之。當事明正典刑。况處處衙門。自必重士體面。乃借斯文之名。倡義氣之說。或一士見凌於鄉黨。則通

學攘臂爭告於有司。或一士見辱於有司。則通學抱冤奔訴於院道。不知經史果有此道。律令果有此法否乎。夫斯世之人。未有孤立而無類者。一民被刑。則百姓聚擾於公庭。一卒當誅。則三軍聚擾於帥府。下至於工商吏卒里老。無不各有同衣。無不各重同讐。勢必至於私黨橫行。紀法盡廢。此大亂之道也。士爲諸類中之賢。乃不以道義相先。而結黨以爲諸類倡。余甚悲之。本院身非緇黃家。亦士族。而惓惓如此者。以士君子之行望諸生也。倘禮法當如此。則經史法律必載之矣。諸生其繹哉。

明職

弟子員二

六

明教官之職

官之重。無如教官。官之壞。亦無如教官矣。國初以學校爲首善之地。教職爲風化之官。每選上舍。俾爲郡邑師。考其立身端謹。學政精嚴。作養人材。堪爲世用。則行取爲編修。檢討御史。給事中。後爲大臣。皆有建樹。當時以起家教官爲第一榮進。匪朝廷濫擢此官。乃教官實稱此職也。今日士習何如乎。使爲教官者。正其心術。端其趣向。教以立身行己之法。迪以濟世安民之要。使居鄉則爲端人正士。出仕則爲良吏忠臣。一言而鄉黨相傳。一行而家

明職

教官

七

邦取法。不愧俊秀之才。堪爲社稷之重。一學得此數人。翹然出色。其餘皆小心謹畏。不辱其身。教官如此。可謂稱職矣。而撫按不以國初之典薦廟堂。不照國初之例行。必有任其咎者。今也無論教以修己治人之術。望其成德達材之效。卽以舉業講課者。有幾人哉。居是官者。能知學校非愛老憐貧之地。教官是正己率物之身。諸生是世道民生之賴。朝廷付我以滿庠青衿之士。委我以養賢待用之責。豈區區索贊見勒節規。遂足盡教訓之職哉。

明巡檢之職

巡檢之設。原爲盤詰奸細。查問逃亡。緝捕盜賊。弓兵要選精壯。鎗刀要常演習。山川險隘。到處巡邏。村落居民。全無騷擾。使軍民商販。得以自在通行。盜賊姦徒。不敢公然往來。如此三年。方爲稱職。北方巡檢。委實貧寒。有在荒山野嶺之中。或居人稀路僻之處。妻子不得寬綽。錢財無處得來。但既做寒官。須安窮分。果能有功。無過自得。上乃優陞。而今作巡檢的。弓兵不論壯衰。器械不求堅利。武藝全不操演。因盜全不緝拿。只索弓兵當例。者一半。

明職

巡檢

八

折乾擾害居民。刁難過客。是增一巡檢。添一騷強賊。一毫無益於地方。萬分有害於黎庶。以後遵守法度。能盡職業者。分外獎勵。上等者一體薦揚。仍舊殃民不改者。訪知定行挈問。使家鄉難還。妻子流落。有甚好處。試自思之。

明驛遞之職

今巡看驛遞。謂之熱鬧衙門。蓋驛遞衙門。路當衝要。常見上官。年貌才能。容易顯露。錢糧出入。常得自由。不知也有苦處。站銀急支。不來過客。急送不起。怒夫馬之不齊者。不管死活。恨供具之不豐者。管加責罵。上司之公差。不免凌索。配來之囚犯。每費關防。但官窮。窮不過人。夫官累。累不過驛馬。做驛丞的。重索馬頭常例。一不遂心。便派苦差。逼取丈夫面銀。一不如意。便加凌虐。以官錢放債。領銀則加倍扣還。指過客爲名。開銷則半屬冒破。徒夫有

明職

驛遞

九

錢者賣放。有力者保放。紀法蕩然。馬騾無錢者多差。有勢者不差。道滅盡事事可恨。不知近來上司耳目。事是尋你小官。百姓口嘴也。只奈何小官一經訪察。或被告發戒飭的。也是你。斥逐的。也是你。挈問的。也是你。不如小心謹守。多做幾年。再轉兩任。長短算來。名利兩得。而今世道清明。何嘗虧枉好官哉。

明稅課司之職

夫百工之事百貨之通以有易無本爲民便故古者
識而不征今稅課設官一則收餘利以充國家之
用一則征商賈以抑逐末之人雖非正大公平猶
不苛刻纖細近日巡攔抽稅將小民窮漢賣鷄鴨
携苕菰疋布上街擔簦入市無不抽稅油行既稅
店又稅油屠行既稅生又稅死有司官指此爲科
斂之媒巡稅官指此爲攘奪之具針頭削鐵所餘
幾何樹剝重皮豈能堪命如此刻剝貧民何異盜
賊搶奪且稅課原無戶數稅錢豈盡報官割衆家
之肉安自己之身天災人禍豈肯究饒本院原有
禁約但有違犯定行挈問追贓嗚呼有司若肯清
廉其所以鈐制關防不患於無法不然稅課巡攔
且得借我以肥其身所得幾何而惡名皆我受矣
可不慎哉

明職

稅課司

十

明司獄官之職

監中人犯多非良民縱是徒罪充軍那非違條犯法
况頸上長枷更是重刑但係強賊尤爲死鬼朝思
暮想只求撞網脫籠得便乘機便耍劫囚反獄司
獄官若肯用心關防無縫鎖鎖在頭白日不消
帶肘密樞樞在手脚夜間更須輪防縱在荒坡
野地豈能插翅騰空况監牆重門戶乃重犯往
往脫逃獄官吏禁疎慢之罪百口何辭至於囚犯
發解出門州縣官吏全不堅牢鎖鎖又不揀選兵
夫嚴加申諭夫囚犯懷百計脫死之心解夫無一

明職

司獄官

十一

點妨姦之意力倦心慵情熟志懈忽然逃走盡坐
受賊疎虞失守解夫固難辭罪然賣放罪囚與囚
同罪解夫豈不習聞安肯以三五錢銀替人死罪
彼人囚窮困又安得許多財物買求性命哉祇緣
發解之時鬆羈絆之計獄官吏禁不能逃其責至
於牢頭獄霸行暴毆人當衣奪食放錢賣飯或囚
飯入門而本囚未得入口或囚糧到獄而本囚不
得需恩穢汙不肯掃除疾病不報調理忍寒受熱
叫號不徹于公堂抱屈含冤心事難白於官府女
監縱吏卒姦淫輕犯將重枷凌虐如此作官必有

天禍明理者知監鋪乃陰德之地獄官乃方便之人。輕犯存哀矜之心。時加體悉。重犯嚴關防之法。不肯凌虐。斯爲稱職。而子孫享其餘慶矣。

明職

司獄官

士

明庫官之職

庫官吏之弊有三。重收以苦納戶。輕放以苦支人。賄盜以虧公帑。是也。然不得單責庫官與吏。收放重輕。關係甚大。我不收。則在下者不得借口。而萬姓省一分半分之財。我重收。則在下者幸其有名。而萬姓多加二加三之費。我得幾何。而大家所得者皆我之財。彼罪幾何。而衆人剝削者皆我之罪。且我既借左右以行私。左右亦借我以請托。非分之恩。只得從其所欲。難開之例。無能拒其求。法盡廢。令難行。職此之故。至於庫官庫吏侵盜官銀。倘

明職

庫官

士

若無所狎昵。何敢違萌邪念。向見一府收銀堂下多樹木椿。繫以橫繩。解戶投到公文。卽時堂下伺候。各將銀囊搭掛椿頭繩上。挨名點近天平。掣籤喚吏監兌。聽令解戶自敲針管。監吏報足。便令收封。如兩有爭。親下審視。一面卽填庫收。一面卽押印信。秤兌既畢。當時領文。至於出放錢糧。亦令解人自兌。庫官雖怨而無訾。羣小希恩而不敢衙門之內。凜凜風生。故曰廉生成。正大者必光明。光明則吐氣揚眉。令行禁止。何利不興。而何害不除。余因論庫官而有感於所見。以告凡有出納之責者。

明州縣佐貳之職

州同州判縣丞主簿分牧令之政。共州縣之民者也。官雖有正副而權不輕。位雖有尊卑而事不異。今汝佐貳各官有營糧者。嘗思如何恤民。如何足國。姦頑富勢如何催徵。貧累荒逃如何處置。巡捕者須獲真賊。莫漏網。真賊却將無辜良民受拷。奉堂官批詞切莫不分貧富。但問有力稍力以奉承。切莫受富勢囑托。不問曲直。只是要打要錢。以出氣耳。輒聽皂快支使。性備任左右通同。至於私接呈狀。擅作威福。署印則隨事科財。營差則所至媒利。此皆不肖常態。而有志向上者之所恥也。況佐貳之中。容易出色。有一好官。自然薦拔。自得優陞。若欲速見小。如前所為。輕則戒飭。重則拏問。後悔何追。

明職

州縣佐貳

十四

明知州知縣之職

士君子無濟人利物之心。則希清華慕通顯。總之無益於蒼生。聽其求富貴可也。苟平生懷救民利物之心。欲朝興一利。而朝卽澤被閭閻。夕除一害。而夕卽仁流市井。隨事推恩。聽我自便。因心出治。惟我施行。則莫妙於知州知縣矣。夫朝廷設官。自公卿以至驛遞。中外職銜。不啻百矣。而惟收令人稱之曰父母。父母云者。生我養我者也。故土地不均。我爲均之。差糧不明。我爲明之。樹木不植。我爲植之。荒蕪不墾。我爲墾之。逃亡不復。我爲復之。山林川澤。果否有利。我爲興之。訟獄不平。我爲平之。兇豪肆逞。良善含冤。我爲除之。狡詐百端。愚樸受害。我爲剪之。嫖風賭博。扛帮痴幼。我爲刑之。寡婦孤兒。族屬侮奪。我爲鎮之。盜賊劫竊。民不安生。我爲弭之。老幼殘疾。鰥寡孤獨。我爲收之。教化不行。風俗不美。我爲正之。遠里無師。貧兒失學。我爲教之。倉廩不實。民命所關。我爲積之。獄中囚犯。果否得所。我爲恤之。斛斗秤尺。市銀爲姦。我爲一之。貧民交易。稅課濫征。我爲行之。衙門積蠹。狼虎舞民。我爲逐之。吏書需索。刁勒吾民。我爲禁之。徵收無法。

明職

明知州知縣

三

起解困民我爲處之遊手閑民湯產廢業我爲懲之異端邪教亂作亂民我爲驅之庸醫亂行民命枉死我爲訓之士風學政頹敗廢弛我爲興之市豪集霸專利虐民我爲治之捏空造端起禍誣人我爲杜之聚眾黨惡主謀唆訟我爲殄之火甲負累鄉夫騷擾我爲安之某事久廢當舉我爲舉之某事及時常修我爲修之民情所好如已之欲我爲聚之民情所惡如已之惡我爲去之使四境之內無一事不得其宜無一民不得其所深山窮谷之中無隱弗達婦人孺子之情無微不照是謂知

明職

知州知縣

云

此州是謂知此縣俾一郡邑愛戴吾身如坐慈母之懷如含慈母之乳一時不可離一日不可少是洞其弊原酌其治法日積月累責效觀成自初仕以至去任光景改觀幾何民愁甦醒幾何政事修舉幾何或享利於目前或垂恩於永久俾士民得數其事而稱之吾於臨去亦自點檢之曰吾於地方興得某利除得某害如此治民卽是良醫治病何快如之倘到任時地方是這般景象離任時地方依舊是這般景象如此等官虛享數年俸薪無益百姓毫釐試一省察稱職廢職兩院之獎薦有

媿無媿戒効有屈無屈自有一點不死之真心在又何暇計較考語優劣歸咎他人誣陷哉賢者必不謂吾言過激云

明職

知州知縣

云

明同知通判推官之職

府總州縣之政事務繁多。又設佐貳以分之。同知通判之職掌不同。大率清軍捕盜。水利鹽法。管糧管馬。而推官則專理刑名者也。刑名余詳之風憲約捕盜余詳之獄政。而清軍水利管糧似不必專曹設職。故余獨不言。三官各有職掌。惟一以安靜爲事。則府佐所同也。

明職

同知通判推官

六

明知府之職

一尺之地不屬某州某里則屬某縣某里未有曰屬某府地土者。一丁之民不屬某州某籍則屬某縣某籍。未有曰屬某府人民者。然則府不虛設而無用乎。曰無用而爲有用之資者。府是已。何者。府非州非縣。而州縣之政無一不與相干。府官非知州知縣。而知州知縣之事無一不與相同。是知府一身州縣之領袖。而知州知縣之總匯也。今之爲知府者。廉愛嚴明。公誠勤慎。便自謂好官。而課知府者見其能是。亦以好官稱之矣。不知此八字者。知

明職

知府

元

州知縣之職而非知府之職也。知府無此八字。固爲不肖。僅有此八字。是增一好知州知縣耳。設府治建府官之意。豈謂是哉。爲知府者。或奉院司之科條。董督察屬。或酌郡邑之利病。細與興除。所屬州縣掌印正官及佐領合屬一切大小官員有用刑不當者。持已不廉者。政不宜民者。怠不修政者。昏不察姦者。塗飾耳目者。虛文搪塞者。前件廢格者。阿徇權勢者。差糧不均者。催科無法者。收解累民者。竊劫公行者。姦暴爲害者。風俗無良者。教化不行者。倉庫不慎者。獄囚失所者。老幼殘疾失養

者聽訟淹滯者橋梁道路不修者荒蕪不治流移不招者衙役縱橫不禁者屬官如是知府皆得以師帥之師帥不從知府得以讓責之讓責不改知府得以提問其首領吏書提問不警知府得以指事申呈於兩院該道譬之一人一股病不得謂之完身譬之一裘一幅斜不得謂之完衣所屬州縣有一不肖之吏有一失所之民有一不安之事不能安輯而處置之尙得謂之完府上務俾所屬之吏廉愛嚴明公誠勤慎如我一府所屬之政廢興墜舉弊革姦除如我一室所屬之民無一不得其所所屬之物無一不得其理循良者署以上考無論卑微不肖者署以下考無附炎熱使屬吏知有府之可畏不敢不守官知有府之可服不患不共命如是而千里之封疆凜凜風生萬井之黎民灑灑雨潤知府之職不當如是乎賢太守其細思之

明職

知府

三

太原論屬

壬辰六月余召所屬府州縣掌印正官而諭之曰宇宙之內一民一物痛癢皆與吾身相干故其相養相安料理皆是吾人本分書云山川鬼神亦莫不寧及鳥獸魚鼈咸若鳥獸魚鼈非吾同類也而且使之咸若然猶曰彼有血氣心知欲生惡死所同鬼神奚賴吾人山川有何知識而亦使之亦莫不寧者何蓋聖人以天地爲心爲生民立命心思既竭仁愛無窮必使乾坤清泰海宇安康無一事不極其安貼無一物不得其分願而後其心始遂伊

明職

太原論屬

三

尹有莘之耕夫也當隱居時便樂堯舜之道其言曰予弗俾厥后爲堯舜其心媿耻若撻於市一夫不獲日時予之辜夫君不堯舜自有當其耻者一夫不獲自有任其辜者而伊尹引爲己責深自愧罪只是真真切切見那君民痛癢觸着便自相干而致君澤民我又有此學術是以孔席不暖墨突不黔汲汲皇皇慙慙懇懇只是這箇不忍人底念頭放歌不下吾輩七尺之軀不短於古人耳目口鼻四肢百骸不少於古人六經四書子史百家至今大備吾輩誦習人多於古人只似看得天下民